

# He, Edi!

by Manni M.

Rock shuffle, Tmp= 136 C-Dur

- A1** He, Edi, mir hom uns long nit getroffn  
is a poa Joah her, genau waß i's nit mehr, mir worn bade b'soffn!  
Mir hom geplaudert, von da guat'n olt'n Zeit,  
mein Gott, wie woan mir cool bei de Lehrer in da Schul  
und de Weiberleut!  
Zum Schluß homma donn g'sogt doss mir uns öfters segn,  
oba bade worma laxe Hund und nix is gschegn!- Na, nix is gschegn!
- A2** Mir woan echte Freunde, a super Partie  
zwa wie Orsch und Pfad , oh es tuat mir wirklich laad um di!  
Und dos mit deiner Scheidung, dos hot ma wer dazöhlt,  
sie hot di fertig g'mocht, hot di um olls gebrocht, dei Herz und dei Göld!  
He Edi, schau mi nit so on, sunst muaß i plärr'n,  
du wüllst mir noch wos sogn oba i kann di niema hearn!
- B2** **He-he-he Edi! Du brauchst nix red'n i vasteh di!**  
**Jo du mei Edi-Bua moch die Aug'n zua gib a Ruah!**  
**I woa immer da Anzige der di vasteht**  
**und jetz bin i da Letzte, der mit dir red,**  
**he, Edi, sog, wos is los mit dir?**
- C* Instrumental/ git. 8 Takte  
*C1* Instrumental/ git. 8 Takte (Break Triolen) + 2 Takte
- A3** I hob dir immer schon g'sogt, geh loss es Sauf'n sein,  
dos tuat dir nix guat, olle Tog a feste Gluat von Schnops und Wein.  
und deine Zigaretten, du host jo g'raucht wie a Schlot,  
mit deine Tschig woast a Asphaltfabrik und jetz schaut aus wie da Tod!  
Di heute do zu treffen is für mi ka schenes Erlebnis,  
schau, schau, sogoa dei Ex-Frau is do auf dein Begräbnis!
- B3** **He-he-he Edi! Du brauchst nix red'n i vasteh di!**  
**Jo du mei Edi-Bua moch die Aug'n zua, gib a Ruah!**  
**I woa immer da Anzige der di vasteht**  
**und jetz bin i da Letzte, der mit dir red,**  
**he Edi, i schiab 'en Deckl zua!**  
(Eduard, tuat ma laad – oba I muaß jetz aufhearn! Edi, pfiati Gott!)